



● EDITORIAL ● RAL VENGU ● CHHUNGKAW CHANCHIN

- ✦ CWM Face to Face Programme ATC-ah
- ✦ NEICC puala Tawngtai Ni-ah hian
- ✦ MPF Annual General Meeting

RNI 68092/83 Regn. No. N.E. 1024

From

Synod Literature & Publication Board
Synod Office, Aizawl - 796 001,
Mizoram. Phone - 0389-2324590

SYNOD *Newsletter*

Volume XXVII

No. 361

E-mail : synodnews@gmail.com

OCTOBER, 2013

SYNOD EXECUTIVE COMMITTEE VAWI 246-NA THURELTE

Synod Inkhawmpuia thu thlen tura rel fel ngai a tam deuh avanga SEC 245-nain Synod Kalendar-a SEC thut hun tura a tih bak, SEC thut hun dang a ruat belh angin Synod Executive Committee (SEC) vawi 246-na (Special Meeting) chu September 3-4, 2013 khan J.M. Lloyd Hall, Synod Office-ah an thu a; member 145-ah 137 an kal thei. Synod Inkhawmpui 2013-a thu thlen tur bakah thurel fel nghal eng emaw zat a awm a, chung zinga kohhran mite hriat awm chi tar lang ila –

1. Chanchin Tha Thlen Ni March ni 15 chungchang: SEC 244:12-in March ni 15 hman dan tur OM-in lo ruahman se a tih angin OM-in ruahmanna a siam chu hman nghal tura pawm a ni. Hetiangin–

- 1) Kan Kohhranin Synod Holiday-ah puan ni se.
- 2) Hemi ni Chawhma leh Zan Inkhawm thupui ruahman ni se, a ni hman dan tur chu Nilai zan Thupui Buah a kimchangin tar lan ni se.

2. Synod Pension Dan thar 2013: Kum 2011 Synod Inkhawmpuiin, “Synod-a thawktu nghet tura lak tharte tan Pension Dan thar siam ni rawh se” tih thu SEC zir chian tura a dah, SEC-in a zir chianna thu chu Synod Inkhawmpui 2012 chuan a pawm a; “Bawhzui ngai apiangte hman nghal turin SEC-in lo bawh zui rawh se,” a tih angin bawh zui zel a ni a. Pension Dan Thar ruahmanna siam tura ruatten ruahmanna an siam chu ngun taka ngaihtuah a nih hnuin January 2014 a tanga hman tan tura rel a ni.

He Dan thar hman a nih hian Synod-in thawktute pension atana sum sen a nei tlem sawt ang. Pension sum khawl theih dan chi hnih, Tier I leh Tier II chu thawktuin a duh zawk a thlang thei ang a. Synod-in a rel angin Tier I (Pension sum bik) vawng turin Mizoram sawrkar hnuiaia New Pension System (NPS-LITE) zawm tura duan a ni. Tier II-ah chuan thawktuin a thawh bak Synod khin letna awm lo tura tih a ni bawh.

3. Hmangaihna In Holiday List chungchang: Synod Officers Meeting (OM) chuan Hmangaihna In Holiday List ruahmanna siamin SEC ngaihtuah turin a thlen a. Hmangaihna Ina thawkte hi Inrinni leh Chawlhni pawha chawl thei ve lo an nih avangin Holiday List hran siamsak tula hriat a ni a, Holiday List ruahman chu September, 2013 a tanga hman tan nghal tura pawm a ni. *Hmangaihna In hian Holiday ni 16 an nei ta.*

4. Pastor Quarters Type Plan siamthat rawtna: Synod Officers Meeting (OM) chuan Pastor Quarters Type Plan siam that tul a ti a, SEC-ah a thlen a. Kum 2007-a Quarters www.mizoramsynod.org

Type Plan 1300 sq.ft., a dung leh vang 40ft x 30 ft., budget estimate – cheng nuai 10 chuan a zo ta lo niin SEC chuan a hria a. Pastor Quarters Type Plan siam that chu remtih a ni a. OM-in lo bawhzui zelin November SEC-a thlen leh tura tih a ni.

5. India ram khawpui liana Pastor dah chungchang: Synod Inkhawmpui 2007 leh 2008 -in SEC bawhzui tura a dah, 'India ram khawpui liana Mizo awmte enkawltu tur Pastor dah' chungchanga OM ruahmanna siam chu ngaihtuah a ni a; chumi ang chuan Hyderabad, Mumbai leh Delhi-ah te Pastor dah phawt tura tih a ni a; OM-in fimkhur takin a dah dan lo zawng se, tih a ni. Pastor-te thawh dan tur kaihhruaina pawh siam nghal a ni bawh.

6. Pastor Quarters tina Refrigerator dah tura rel kalpui dan tur: Synod Inkhawmpui 2012-in Pastor Quarters tina Refrigerator dah a remtih, SEC bawhzui tawh danah thil tihchian lehzuat ngai a awm avangin ngaihtuah leh a ni a. Pastor Quarters tina Refrigerator dah tura tih chuan Pastoral Ministry leh Ramthar lam pawh a huam vek ang tia hrilhfhia a ni. Ramthar lam Pastor Quarters-a dah tur chu Mission Board Budget a tanga ruahman tura tih a ni thung.

7. Synod Office Annexe Plan & Estimate: Synod Office Annexe sak tura Synod Inkhawmpui 2011-in a lo pawm tawh, kum 2013-14 Budget-a nuai 485.45 a dah a nih anga Property Committee-in Detailed Plan & Estimate a siam chu thlir ho a ni a, ruahmanna siam a nih angin pawm a ni a. In sak hna pawh tan nghal tura tih a ni.

8. KTP Inkaihhraina Dan enthat dilna: KTP Inhraina Dan leh KTP Handbook enthat hun rawt a nih angin en that remtih a, “Central KTP Committee-in lo en tha sela, SEC-ah rawn thlen leh se,” tia rel a ni.

9. SMB a tanga thulut – Gratuity chungchang zawhfhahna: Synod Service Rules 2012 Bung XI-nain thawktu hna chawlhlan Gratuity hmu thei tur a tih chu tihchian tula hriat a ni a, “Synod Service Rules 2012 hman hmaa lo thawh tawhte chuan an service tawp hunah Gratuity an hmu thei ang.” tia rel a ni.

Phek 2-na ah zawm a ni...

SYNOD Newsletter

EDITORIAL STAFF

Rev. K. Lalpiangthara (LPT)
Rev. Thangzauva (TZ)
Upa H. Ronghaka (HR)
Upa Khawlungnunga (KCN)

Editorial

MI DANG SAWISEL

Mihringte hi suala tlu kan nih avangin vawiin thlengin sual zia chi hrang hrang mihringah a la lang chhuak thin a. Mi dang aia tha zawk, dik zawk, fel zawk leh thiltithez zawka inngaihna lian tak kan nei fo thin niin a lang.

Kan hriat theuh angin November thla tawp lamah kan aiawha roreltu turte (MLA) Mizoramah pawh kan thlang ve leh dawn a. Thla hmasa lamah pawh Synod-in inthlan thuchah a buatsaih tihchhuah a ni tawh a. Inthlan dawn hian party tinte mipuih kan inzuar thin a. Democracy ramah chuan kan tih awm reng pawh a ni a. Mipui hnena kan hmalak tum dan tlangzarh pawh kan tih tur a ni. Amaherawhchu, kan hmalak danah Kristian kan nih kan inhriat reng a pawimawh hle. Mahni insawi mawi hi kan tih tur a nih rual hian mi dang sawselin sawichhe kher lo ila. Lal Isuan, "Sawisel suh u; chutichuan, sawselin in awm lo vang; tu mah thiam lovah ruat suh u; chutichuan, thiam lohvin in awm lo vang," a tih hi hre reng ila. Thahnemngaih luat avanga tawng duhtui loh palh lakah fimkhur tlang ila. Kan tawngkam chhuak hi chi-a al, khawngaihna tel ni zel zawk rawh se.

PRESBYTERY INKHAWMPUI

Presbyterian Kohhran Inkhawmpui pawimawh tak Presbytery Inkhawmpui chu ruahman lawk angin October 10-13, 2013 khan Mizoram chung leh pawnahte hman a ni a; Synod Inkhawmpuia ngaihtuah leh tura thu rel thluk eng emaw zat a awm. Mizoram Presbyterian Church Synod hnuaiah hian Presbytery 46 a awm mek a, heng zinga paruk chu Synod Mission Field lama mi an ni.

*"Lal putar a tawh, thurawn dawngsawng duh lo ai chuan tleirawl rethei leh fang chu a tha zawk."
(Thuhriltu 4:13)*

Phek 1-na ami zawm...

10. Synod Archives Committee member: Synod Archives Committee-in member ruat belh an dil angin Upa F. Lalthanmawia, Bungkawn ruat belh a ni a, tuna term ding lai a zui ang. *Heti hian Synod Archives Committee-ah hian member paruk an awm ta a ni.*

11. Research & Evaluation Wing Committee Member: Research & Evaluation Wing Committee Member Rev. Rosiamliana Tochwang chu zirna sang zawk zira a kal bo tak avangin Committee Member pakhat ruat belh an dil angin T. Upa J.C. Zomuanthanga, Tuikual North chu R&EW member atan ruat thar a ni.

12. World AIDS DAY (1st Dec.)-a HIV/AIDS zirtirna neih thu: OM 14:23/2013 chuan Mizoram Sawrkarin 1st December-a HIV/AIDS zirtirna Kohhran tina thupui siana programme neih an duh thu an thlen chu ngaihtuah a ni a. HIV/AIDS chungchanga inzirtirna neih hi 2012 Synod-in a lo rel tawh a, Social Front Committee bultumin bawhzui mek a ni a. He thu pawh hi Social Front Committee-in rawn hma tel se, tih a ni.

13. Nursing School sakna tur sum zawn dilna: SEC 244:64-in Nursing School Building sakna atan sum nuai 271 Plan & Estimate a lo pawm tawh chu, a sakna tur sum mamawh zawn phalna an rawn dil a, an dil ang hian sawrkar emaw, pawn lamah he building sakna tur sum an zawn chu phalsak an ni.

14. Kum 2013 MLA Inthlan Thuchah thlir ho: OM 16:18-in 2013 MLA Inthlan Thuchah a buatsaih chu thlir ho a ni a, siamthat ngai laite siamthain pawm a ni. He Thuchah hi "Kohhran in tina sem turin siam ni se... Political Party te pek ni se," tih a ni.

15. MKHC Term thar 2014–2015 atan member ruatna: Secretary, MKHC atanga kum 2014–15 atan Committee member tur ruat tura ngenna dawn a nih angin heng mite hi tel tura ruat an ni:-

(1) Moderator (2) Secretary (Sr.) (3) Senior Executive Secretary

CWM FACE TO FACE PROGRAMME ATC-AH

Kum 2011-a neih tawh Council for World Mission (CWM) Face to Face Program an tih chu Aizawl Theological College-ah September ni 23, 2013 khân tan leh a ni ta.

Council for World Mission hian Theology zir zo turte tan missionary-tura inbuatsaihna a siamsak thin a. An member Kohhran Theological College-a zirlaite thlangin kum tin ram pathumah hun an hman thin a, chung ramte chu India, Zambia leh Fiji te a ni. India ramah kum sawm dawn lai United Theological College, Bangalore-in a lo dawng tawh a, kum 2011 atang khân India hmar lam, Boshop's College, Kolkata leh Aizawl Theological College te chu inthlen tawm tura ngên an ni a. India rama an hun hman chhung hi thla hnih vel a ni.

Kuminah hian mi 12 lo kal tura ngaih an nih laiin India rama kal phalna hmu thei lo an awm avangin mi priat, ram paruk atangin an lo kal a, Hmeichhia pali leh mipa pali an ni. A lo kalte hming leh an lo kalna ramte chu:

- | | |
|------------------------------|----------------------------|
| 1. Nl. Gertine Blom | Amsterdam, the Netherland |
| 2. Nl. Sitholubuhle Tshuma | Johannesburg, South Africa |
| 3. Tv. Maketo Matongo | Zambia |
| 4. Tv. Minsimbwe Doran | Zambia |
| 5. Tv. Rhidson Shadreck Jimu | Malawi |
| 6. Nl. Rakotomalala Mamisoa | Madagascar |
| 7. Tv. Nteo Isaac Leoli | Johannesburg, South Africa |
| 8. Tv. Ogbor Peter Ogakwu | Nigeria |

Aizawl Theological College-a an awm chhung hian a tantir chawlhkar khat chhung (September 23-28) India ram hnamzia leh khawtlang dinhmun zirtir an ni a, ATC Zirtirtute bâkah pawn lama kohhran mi, mi thiamte sawm an ni baw. Thingtlang khawsa zia hmu turin Pastor Bial paruk – Muallungthu, Aibawk, Sateek, Sumsuih, Sialsuk, Thênzawl-ah te an kal a, Aizawla Bial pasarih – Chawnpui, Tuikual, Khatla, Electric, Dawrpui, Ramhlun leh Chaltlangah te an kal leh ang. Kohhranten tha taka an lo tâwiawm thin avangin ATC-a a buaipuite an lâwm hle.



RAL VENGTU

Râl Vêngtun chhim lam a thlir vung vung lai chuan thinphu hlawnp hlawnp chungin mi sawm rual velin a râl vên bûk an han thleng a. Hlahu nei tih hriat fahran hian an mit meng thlengin a tlanchhia a. Râl Vêngtu nupuiin thingpui hang a pekte an in zawh chuan Râl Vêngtu hnenah chuan hlahu an neih thu an hrih a.

Râl Vêngtu chuan, “‘Lalpa, Lalpa’ ti ti chung hian hlahu tur hi in hre thei em em mai a. Hindu-ho pawh in tluk lo a nih hi. A chang leh WCC in hlau va, a chang leh Bible Society-te in hlau va, a chang leh khawchhak lungpui te in hlau va; tunah ‘China ral lian tur ka hlau,’ in ti leh a. Bible-ah hian vawi za chuang zet ‘hlau suh’ tih a inziah bakah fak hla lamah pawh ‘Isua hnenah hlahu tur a awm lo, engkamin a thupek an awih thin’ tih hlate in sa ve fo tawh thin si a, engti ziaa setana buma awm awm nge in nih? Hlahuna hi setana hmanraw tha tak a ni a, hlahuna hman hian fin hmel tak tak hi a bum a bum mai a ni a,” tiin a lo zilhhau a. Mite chuan, “Setana bumna thangah kan lo awk lek a nih chu, kan thla a muang huai huai mai,” tiin an veng lamah an haw leh ta a.

SYNOD HOUSE STYLE THAR

Synod-in lehkhahu leh thu ziaa a tihchhuah chi hrang hranga thu ziaa/chhut kalpui dan tur, Synod House Style thar, Synod Literature & Publication Board buatsaih chu November 1, 2013 (Zirtawpni) chawhnu dar 2:00-ah Synod Conference Centre, Mission Vengah tlangzarh tura tih a ni. Ruahman dan chuan hemi ni atang hian Mizoram Presbyterian Kohhran Synod website-ah dah nghal tum a ni baw. Synod House Style thar tlangzarh tur hian Synod Moderator beisei a ni.

COUNSELLING ZIRHONA

KTP Rorel Inkhawm 2013 thu angin Central KTP chuan October 25, 2013 hian hmun 10-ah ram pum huap Counselling Training a buatsaih dawn. October 5, 2013 khan Rev. Lalrinmawia, CKTP Leader leh Rev. Lalhmingthanga, Director, FG&CC te ruaiin CKTP hruaitute pualin Synod Conference Centre-ah Counselling Training hi neih hmasak phawt a ni.

www.mizoramsynod.org

NEICC PUALA TAWNGTAI NI-AH HIAN

Krista zara unau duh tak kohhran mite,

India hmarchhaka Kristian inzawm khawm, North East India Christian Council (NEICC) pual tawngtai ho niah hian NEICC atangin chibai kan buk a che u. Hmarchhak Kohhranten thawhhona huang, NEICC kan nei hi a lawmawm hle mai. NEICC report tawite kan rawn tar lang a, NEICC tan in tawngtaisak zel theih nan pawh a tangkai kan beisei.

1. NEICC din (1937) atangin Inkhawmpui tum 75 zet kan lo nei ta. Hei hian kohhran inpumkhatna leh thawh hona a siam a, a tangkai hle. Nakkum 15-18 May, 2014 hian Churachandpur-ah inkhawmpui hman leh tura ruahman a ni.

2. Mission lama thawhhona tha zawk kan neih zel theih nan 2012-13 chhung hian Agartala-ah leh Guwahati ah Mission Partnership Consultation buatsaih a ni a, palai 200 zet an lo kal. Thawhhona Thupuan (Partnership Declaration) te siam a a ni. Nakkumah Arunachal-ah neih leh theih beisei a ni.

3. Sualna leh thil tha lo do tlang turin thupui pali – chibing inngeih lohna, homosexuality, inchim ralna leh corruption chungchangte zir hovin kumin May thla khan Lawngtlaiah Seminar hlawnp tak Mizoram leh Tripura pualin neih a ni a, palai 100 zet an lo kal. Tlawmngai pawlte pawh sawm an ni. Nakum 2014-ah Tura-ah neih leh beisei a ni.

4. NEICC hian 1952 khan Union Christian College (UCC) a din a. A kum 60-na pawh nikum 2012 khan lawm a ni a. Kumin 2013 hian zirlai 800 zet an an awm.

5. NEICC chuan India hmarchhaka Theological College leh zirtirtu tha tam tak neiten thawhhona tha an neih theih nan kawng a dap mek. D.Th zirna leh research (zir bingna) changtlung tak Research Centre Programme siamin hma a la mek.

6. Hmun hrang hranga chhiatna rapthlak tuartute hnenah NEICC chuan tanpuina Rs 4,27,000/- a sem chhuak.

7. Hmar chhak ram state-te hi buaina nei deuh vek kan ni. Remna leh

SYNOD HOSPITAL, DURLANG AUGUST, 2013 CHHUNGA THILPEK DAWNTE

I. CHARITY FUND

1. Mamit Bazar Veng Kohhran	Rs. 5,000/-
2. Upa L. Khuma Varte, Champhai Vengthlang North	Rs. 2,000/-
3. KTP, Khuangleng Bial	Rs. 2,100/-
4. Rev. K. Ramdinthara, ATC	Rs. 1,000/-
5. H. Thangluai leh Vanlalthingi, Durtlang North	Rs. 1,000/-
6. Upa Zonunmawia, Mission Veng	Rs. 10,000/-
7. Dr. H. Lalrinchana & Fly., Durtlang M-5	Rs. 5,000/-
8. Lalbiakkimi, C/o Lalrinengi, Bungkaw	Rs. 5,000/-
9. KTP, Sialsuk Bial	Rs. 5,000/-
10. Khawlailung Dinthar Bial	Rs. 5,000/-
11. Vanlalrema, Zorem Steel Works, Durtlang North	Rs. 700/-
12. Sialsuk Bial	Rs. 8,000/-
13. * Bawngkawn Presbyterian Kohhran	Rs. 10,000/-
* (Chhuak hmasa-ah Bungkaw Kohhran tia tar lan palh a ni a, tihsual palh a ni e)	

II. THISEN PETE

UNIT PEK ZAT

1. KTP, Dawrpui Vengthar Branch	40
2. KTP, Chaltlang Branch	58
3. NSS & Red Ribbon Club, PUC	122
4. KTP, Dinthar Vengthlang Branch	43
5. KTP, Tuikual North Branch	36
6. KTP, Dawrpui Vengthar West Branch	32
7. KTP, Lengpui Branch	40

III. THILDANG PETE

1. Vanchengpui Kohhran Pavalai	Bench 3
2. Upa R. Lalluna, Khatla	Swabstick 5000
3. Diakkawn Kohhran Sacramento Dept., Kolasib	Thutthlengsei ngenchhan nei 1
4. Sevenphul Kohhran Hmeichhia	Grace Home tan Rs. 5,500/-
5. KTP Khuangleng Bial	Thutthlengsei 5 & Hmunphiah 75
6. Lalruatkimi, Tuikhuatlang	K-Ward tan Mobile Phone Handset 1
7. Durtlang Kohhran Hmeichhia	Grace Home tan Rs. 6,000/-
8. Sesawng Bial Kohhran Hmeichhia	Thutthlengsei leh cushion
9. KTP Venghlui Bial	Chapel thutthleng pali man Rs. 10,000/-
10. Lalthannguri, Electric Veng	Grace Home tan Rs. 50,000/-
11. KTP West Phaileng Branch	Thutthlengsei 6
12. Vanlalthinga, Durtlang M-5	Surgical Ward tan English Bible (New Testament & Psalm) 5
13. N. Lalawmpuia, H/o Dr. Zorinsangi, Zarkawt	NCB-a dah tur Pot 8

Khawngaihna leh duhsakna avanga kan Lalpa Isua Krista hminga thilpek min petu zawng zawngte hnenah kan Lalpa Isua Krista hmingin lawmthu kan sawi tak meuh meuh a ni e.

Sd/-
REV. C. LALBIAHLUNA
Chaplain, Synod Hospital.



Mualchêng Kohhran chuan Dt. 20.7.2013 khan Rev. Lalzuithanga, Executive secretary leh T.Upa Lalthahluna Ralte, Asst. Co-Ordinator MSSU hovin Sunday School training an nei a, an hlawkpui hle. 17 Aug. - 1 Sept. thlengin Upa Vanlalngaia, Krista Thiante Team ruaiin Camping chhawng hnih leh Naupang lăng Camp an nei a. Mi 300 zet lutin Thlarau Thianghlîm harhna changin Kohhranhovin an hlawkpui hle.

Rengtekawn East Kohhran chu Dt. 2.12.2012 khan Rengtekawn Kohhran atăngin Kohhran member tlemte ni chungin an indang a. Dt. 31 June, 2013 khan Kohhran pawl dang, Baptist Kohhran atăngin chhungkaw pakua, member 37 laiin an luh belh a, tunah chuan in 40 lai an lo ni ta a, an lawm hle.

Tura Kohhran chuan Dt. 13-15, Sept. 2013 chhung khan Harhna Campaign neiin Pu R. Lalthanchhuaha, Gospel Peniel Team leh a rawngbawlpuite ruaiin hun an hmang a. Tura Kohhranin an la tawn ngai loh hun an hmang a, an lawm hle. Sermon leh Counselling-te Kohhran ten an hlut hle a, an hlawkpui hle.

Chhanchhuahna Kohhran chuan Dt. 9 - 16 Sept. 2013 chhung khan Synod Revival Speaker T.Upa C. Sapchhawna, Remna Palai Team te ruaiin Crusade an nei a. Kohhran leh khawtlangah Thlarau leh taksa damna an chang a, an lawm hle.

Sialhawk South Kohhran chuan Dt. 3-21, Aug., 2013 chhung khan T. Upa TBC Rokunga, Krista khawngaihna dawngtute Team Speaker-a hmangin Camping leh Crusade an nei a, Kohhranin an hlawkpuiin an hlimpui hle a. Mi piangthar eng emaw zat awmin mi thahnem takin siam tharna an chang baw a, Kohhranhoten an hlawkpui hle.

REVIVAL SPEAKER DIL DUH TE TAN

Synod Revival Speaker kum 2014 - 2015 chhung atan lak thar tur a ni a. Dil duhte chuan Synod Revival Office atăngin Biodata leh Dilna Form, Kohhran Confidential Report Form lak tur a ni.

Dilna chu October 2013 thla chhung ngeia thehluh tur a ni. Diltute chuan mahni awmna Kohhran Committee kal tlanga dil tur a ni.

Interview hun : Dt. 7 & 8. Nov. 2013
Dar 10:00 AM
A hmun : Synod Office

Director,
Synod Revival

Phek 3-na ami zawm...

muanna dapin tum nga lai inhmuh khawmna buatsaih a ni.

8. Heng bakah hian MZU leh NEHU-ah Christianity zirna department hawng ve tura dawr an ni a. 2012-13 chhung khan, Diphu, Kohima, Imphal, Churachanpur leh Tripura te tlawh a ni. NEICC-ah hian member 51 kan inthlung khawm mek.

*Ngai teh, unaute inngeih dial dila awm
khawm hi a va thain a va nuam em!
(Sam 133)*

Sd/- Rev. R. Lalnunzira
Secretary
North East India Christian Council
Shillong

MPF ANNUAL GENERAL MEETING

Oct. 3, 2013 khan Mizoram People Forum (MPF) chuan Synod Conference Centre-ah Annual General Body Meeting wawi 7-na an hmang. Meeting hi chawhma lamah President Rev. Lalramliana Pachuau (Synod Moderator)-in a kaihruai a, Rt. Rev. Stephen Rotluanga, Aizawl Bishop-in hunserh a hmang. Upa Sanglianthanga leh a thianten hla an rem a, Pu J. Lalsailova, Secretary-in inhmelhriattirna hun a hman hnuah Upa Lalramthanga, General Secretary-in Annual Reports a pe. Nikum meeting leh kumin meeting inkarah Politic inzirtirna leh inthlanna thianghlîm leh fel fai a awm theihna turin campaign/seminar/training wawi 30 zet neih a ni. Pu P.C. Lalmawia, Fin. Secretary-in sum dinhmun a report a, sum hmuh zawng zawng Rs.14,92,300-ah Rs.7,28,035 hman a ni. 2014-2015 Budget ruahman Rs.6,09,000 pawm a ni bawk.

Chawhnu lamah rorel a ni a, Upa K. Malsawma, Vice President in a kaihruai a, MPF Dan Bu siam that tura rawnate ngaihtuah a ni a, MPF Governing Board-in a chul mam hnuah hman nghal tura tih a ni. Annual Budget 2014 - 2015 pawm a ni a, MPF General Headquarters hruiatu tur pawh dan anga thlan/ruat fel tura tih a ni. Hemi zawh hian 'Inthlanna thianghlîm leh Sorkar tha' tih thupui chu Pu T. Sangkunga, Vice President, MPF-in a sawi a, sawihona hun hman zui a ni.

MISSIONARY TRAINING COLLEGE HRIATTIRNA

Missionary Training College (MTC)-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus te hi Rs 50/- pein office hun chhungin MTC Office, Mission Vengthlang atăngin lak chhuah theih a ni e.

Dil thei chin : CI-XII pass chin/ CI-X
pass kum 2 tal zirna lamah leh
rawngbawlina lama experience nei.

Dil theih ni
hnunung : January 31, 2014
Written Test : March 4, 2014
Interview : March 6, 2014

Sd/- Principal
Missionary Training College
Mission Vengthlang
Ph No. 2310157/2301337/ 09612564113

SAWMNA

Hmawngbu Kohhran chuan Dt. 5-6 Nov. 2013 chhung khian an Kohhran Silver Jubilee an lawm dawn a. Hmawngbu Kohhrana lo lawi tawh zawng zawngte leh Missionary lo ni tawh zawng zawngte he hun hmanpui tur hian an sawm a, a hrana sawmna siam an tum loh avangin hei hi sawmnaa ngaihsak turin an ngen.

Farkawn Kohhran chuan Dt. 2 Nov. 2013 hian Biak In hawn an tum a, Farkawn Pastor leh Pro Pastor lo ni tawh zawng zawngte leh Farkawn khaw chhuak zawng zawng te he hun hmanpui tur hian an sawm.

Tuivamit Kohhran chuan Dt. 1-5 Nov. 2013 chhung hian Silver Jubilee lawm an tum a, he hun hmanpui tur hian an Kohhrana lo lawi tawh zawng zawngte tel turin an sawm a, Dt. 5.11.2013 hian lawmna pui ber hman tur a ni a, zanriah kilho nghal tur a ni. Hei hi sawmnaa lo pawmsak turin an ngen.

N.Vanlaiphai, Bangla Veng Kohhran chuan Dt. 20-27.10.2013 chhung hian an Kohhran Centenary an lawm dawn a, he Kohhrana lo lawi tawh zawng zawngte tel vek turin an sawm.

Lily Veng Kohhran chuan Dt. 24-30 Oct., 2013 chhung hian Silver Jubilee a lawm dawn a. He Kohhrana lo lawi tawh zawng zawngte tel vek turin an sawm.

Thu tharlâm: Mizoram MLA inthlan hun tura Election Commission of India (ECI)-in December ni 4 leh vote chhiar hun atan Dec. 8, 2013 (Pathianni) a ruat chu Kohhran leh Pawl eng emaw zatin sawn leh turin an ngen dawn niin thu kan dawng.

www.mizoramynod.org